

Persuasio
ridicula.

Gravitatem in me forsan quis desideret, si vel commemorarem, quod plurimum Sylvestrium Hibernicorum animos ridicula opinio pervasit, & etiam persuasit, illum qui in militari illo barritu, sive clamore quo in congressu magna vocis contentione utuntur, reliquorum clamori non respondeat, subito à terra arripi, & quasi volentem in has desertas valles deferri, ex quacunque Hiberniæ regione; ibi gramine vesci, aquam lambere, nec male, nec bene esse sibi sentire, rationis, non orationis usum tenere, à venantibus demum ministerio canum capi, & domos suas deduci.

D E S M O N I A, D E S M O N D.



Velabri.

1565
Baro Va-
lentiæ.
Comes
Glen-Car.

Beare.

V CENIS illis antiquis subiecta est longe lateque ad Austrum *Desmonia*; Hibernis *Desmown*, Anglis *Desmond*, à duobus illis populis olim infesta, *Velabris* & *Ibernis*, qui *Vterini* in nonnullis exemplaribus concipiuntur. *VELABRI* ab *Aber*, id est, æstuariis, ita videantur nominati, eo quod ad æstuarium sederunt, intercurrentibus crebris & insignibus æstuariis divisi: unde etiam *Artabris* & *Cantabris* Hispania facta appellatio. Inter hæc æstuarium præter *Kerry* jam dictam tria in Africum evagantur anfractuosis littoribus Promontoria quæ *Hierwoun* incolis, .i. *Occidua Momonia* olim nuncupata. Primum inter sinum *Dingle* & *Mair* fl. *Clan-car* dicitur, habetque castrum à *Carew* Anglis ad *Dunkeran* conditum. In hoc habitavit *Donell Mac Carthy* More ex Hibernica origine Regulus qui anno *CICDLXVI*. possessiones & latifundia sua Regine Elizabethæ in manus tradidit, & ab ea recepit, ut Anglico more, clienteleri jure, fiduciæ nomine teneret. Eodemque tempore Baro *Valentiæ* (ea insula est quæ adjacet) Comesque de *Clan-Car* creatus est: Vir in hoc tractu magni nominis & potentiæ, Giraldidis olim infensissimus, qui majores suos, ut ille contendit, *Desmonia* Reges his avitis sedibus exuerunt. Sed hoc honore ille non diu usus, filiam quam habuit unicam legitime natam *Florentio Mac Carthy* matrimonio junxit, & senex è vita migravit.

Secundum Promontorium inter *Maire* & *Bantre* sinus continetur *Beare* nomine, jejuna

plerumque glarea & lapidosa macie, in quo agit *O Swillivant Beare*, & *O Swillivant Bantre* ex eadem stirpe, & apud suos inprimis nobiles.

O Swil-
vant.

Tertium *Eraugh* dicitur inter *Bantre* & *Bala-timore* vel *Baltimore* qui copiosa hæc cum captura sinus notissimus, quo numerosa Hispanorum & Lusitanorum classis ad piscandos asellos ipso brumali solstitio quotannis confluit: in hoc *O Mahon*. *Mahoni* ampla prædia beneficentia *M. Carew* acceperunt. Hoc NOTIVM, .i. *Australe Promontorium* vocat Ptolemæus, hodie *Missen-head*, ad quod ut apud illum videre est, *IERNVS* fl. ab Oceano ebibitur. Verum quo ille jam gaudet nomine in tanta obscuritate vix ariolari ausim, nisi sit qui jam *Maire*, & *Drunk-eran* quod dixi subluit. Nec habeo quid conjectem de populo quos ad hæc promontoria idem collocat Ptolemæus, cum pro exemplarium varietate *IBERNI*, *OVTERNI*, *IBERI*, *IVERNI* nominantur, nisi forte perinde ac vicini *LVCENI*, & *CONCANI* ex Hispaniæ Iberis commigrarint. Cæterum *Desmonia* nomen longe superioribus seculis hoc in tractu patuit, à mari usque ad *Shanon* flu. quæ etiam *Australis Momonia* vocata. *Giraldide* sive *Fitz-Giraldes* ex *Kildariensi* familia oriundi, devictis Hibernicis, amplissima hic sibi latifundia acquisiverunt, & ex illis *Mauritius Fitz-Thomas* (in quem *Thomas Carew* qui hæres erat *Dominii Desmonia* prius *Desmoniam* transcripserat) primus *Desmonia* Comes anno tertio *Edw. III* creatus erat. Inter cujus posteros multi erant quorum virtutes & opes magnæ, gratiaque late patuit; sed male audivit, & adhuc audit *Iacobus* qui nepote excluso hæreditatem vi occupavit, & tributa illa gravissima *Coyne*, *Livery*, *Cocherings*, *Bonagh-ty*, &c. ad alendos triarios, & prædabundos milites subditis imperavit. Quæ cum *Thomas* filius à misello popello exigeret, & sui & paterni sceleris poenas jussu *I. Tiptoft* Proregis anno *CIOCCCCXLVII* capite pendit. Ejus tamen liberis restitutis, in ipsorum fobole ad *Giraldum* illum rebellem quem modo memoravi, honor hæreditario jure descendit. Quo Parlamentaria autoritate proscripto, adjudicata erat Regio patrimonio *Desmonia* & in ordinem Comitatum redacta, Vicecomesque qui annuo magistratu præsit, institutus. Qui plurimum hic autoritate & opibus valent è stirpe sunt *Fitz-Giraldorum*, licet varia illi cognomina variis de causis sibi assumpserint.

O Mahon.

Notium
Promon-
torium.
Iernus flu.Comites
Desmo-
nia.

V O D I Æ, & C O R I O N D I.



OST *Iberos* *OYΔIAI*, qui & *VODIÆ*, & *VDIÆ* longe habitarunt, cujus nominis vestigium expressiori indicio se patefacit in *Idou*, & *Idouth* regimculis, uti *CORIONDORVM* in Comitatu *Corke*, illis vicino. Incoluerunt hi Comitatum *Corcagiensem*, *Tiperariensem*, *Limericensem*, & *Waterfordensem*.

Vodiæ
pop.Coriondi
pop.

COMI